

第一章 發端

支那人最重祖宗之家法。奉之若至言。尊之若讜論。而不散少易。故秦孝公變法。而重得罪於天下。宋神宗變法。而重獲咎於祖宗。雖然。天下無萬世不弊之法。亦無萬世不變之法。法至於弊。安可不變哉。況夫歐美諸邦。以暨我日本。莫不自變法而強。於乎。法至於弊。安可不變哉。支那自道咸以來。盛業漸以傾頽。洪楊之亂。雖經曾左諸勳臣勤平。而諸勳臣皆長於一時之將兵率將。而未遑爲朝廷謀善後之策。故自光緒甲午來。愈形衰敗。所幸者有光緒帝之毅然變法耳。光緒帝欲捨身以利天下。故任康有爲。暨四軍機。以及維新諸志士。力謀維新。詔天下士民上書。廣開言路。令國中興學。以揀選大材。去累代之積弊。立萬世之良謨。光緒帝誠可謂環球變法諸英主中之一人矣。雖不久而朝政復

首其先業正不可及矣。茲不揣愚蒙。爲著其事實如左。夫以外邦之士而著他國之書。謬訛之咎。誠所不辭。大雅勝流。幸惟諒諸。

第二章 愛親覺羅氏之興

朱明之季。流寇蠡興。中朝之危。勢如累卵。而愛親覺羅氏遂倏興於滿洲之長白山。卽今日清國之所由來也。愛親覺羅氏自世祖順治帝伐流寇。侵朱明代崇禎而有中國。至於今亦二百餘年矣。然中朝古來記載。每當一王之興起。必有天祥地瑞。爲之朕兆。詩詠玄鳥。商烈祖之所由起。傳記白魚。周成王之所以興。他若漢有大蛇。宋驚巨光。皆謂天之所命。咸是真王之跡。愛親覺羅氏之興也。亦謂有天仙之降。神女之胎。大抵皆託諸鬼神呵護之說。以爲籠絡愚民之舉。藉以成徵倖之事云耳。試姑舉其太祖之實錄如左。

太祖高皇帝愛親覺羅氏。諱弩爾哈齊。先世發祥於長白山。山亘千里。高二

百里有洞曰關門。周十里。鴨綠混河愛濤三河水出焉。鴨綠江從山南西流入遼東之南海。混同江從山北流入北海。愛濤江東流入東海。三江多產珠寶。其山風勁氣寒。環山之獸棲其中。山之東有布庫里山。山下有池曰布爾湖里。中相傳有三天女。思古倫次。正古倫次。佛庫倫次。浴於池。有神雀啣朱果置季女衣。季女不忍置地。含口中。甫被衣。果遂入腹。成孕。因告二姊曰。吾身重不能飛昇。二姊曰。我等名列仙籍。無他虞也。俟免身來。未晚。言已則去。佛庫倫次尋產一男生而能言。迨長。詳告以吞果有孕事。因命之曰。天生汝。扶定亂國。汝往治之。汝往治之。順流而往。卽其地也。與以小艇。母遂凌空而去。子乘艇往。至河步登岸。折柳枝及蒿爲坐具。端坐其上。時其地三姓爭雄。有涉河取水者。見而歸語衆。勿爭。吾取水時見一男貌甚異。非常人也。天必不虛生此人。衆往觀。皆以爲異。詰所由來。答曰。吾天女佛庫倫次所生。姓

愛親覺羅氏。名布庫里雍順。天生我以定汝等衆亂。衆驚曰。此天生之聖人也。昇之歸。三姓息爭。推爲國王。以百格格妻之。議定。妻以百里。奉爲貝勒。布庫里雍順居長白山之東。俄漠惠之野。俄孕里城。國號滿洲。是爲滿洲開基之始。

夫其言之信否。姑置不論。要之自順治帝入關以來。敷猷布治。遂使滿清之祚。安如磐石。康熙帝之時。三藩削平。海內從風。而朝鮮而和蘭諸小邦。莫不馴服。唯恐不謹。奉貢獻。遵號令。而不敢違。當是之時。中國洵地球上。一錦繡雄固之。大強邦也。自道光以來。與英吉利大開邊釁。挫軍折餉。威權大損。尋卽議和。而滿清自此衰矣。

第三章 光緒帝之幼年時代

咸豐九年。滿清與歐洲列強。結津門之假約。不肯交換。而英佛之釁。以起。英佛

同盟進軍北京。而天津失守。張家灣防堵不固。遂至大潰。以猛如狼。虎勇如熊。犀之大將。僧格林沁。守八里橋。卒至寡不禦衆。通州失守。而二百年相傳之錦宮麗闕。遂任外兵之蹂躪。而圓明園。納涼園。皆付之一炬。傷心哉。擲數十萬金之費。竭數百千人之力。而竟以一朝事變。等諸墟邱禾黍。滿清過去之列帝。有靈。當痛哭。惋歎於九泉之下矣。

敵兵入禁。廷臣惶駭。于是出狩避敵之事起。咸豐帝率后宮妃嬪十三人。倉皇出狩於熱河。然天不厭亂。竟蔓延至翌年之久。而咸豐帝痛宗廟之將淪。哀宮室之既頽。心憂肺焦。遂致御體罹疾。不克再臨寶座。而竟崩於熱河之離宮。

咸豐帝一子名載淳。〔即同治帝〕。西太后那拉氏之所出也。帝之出狩也。載淳留守京城。及御崩之訃音達燕都。羣臣乃擁載淳即皇帝位。是爲同治帝。同治帝當外患內訌並起之日。在曾左諸大將相繼殄滅和平。然御年不永。踐位